



Broj: 01/2-04-310-5/2025
Breza, 16.05.2025. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“, broj: 7/21), na Preporuku Komisije za javnu nabavku (broj: 02/1-2-11-313-15/2025 od 12.05.2025. godine) u postupku javne nabavke usluga: „Održavanje i proširenje postojeće javne rasvjete s ugradnjom materijala, na području općine Breza“, Općinski načelnik, d o n o s i

ODLUKU
o izboru najpovoljnijeg ponuđača
„Održavanje i proširenje postojeće javne rasvjete s ugradnjom materijala, na području općine Breza“

Član 1.

- (1) Prihvata se Preporuka Komisije za javne nabavke (broj: 02/1-2-11-313-15/2025 od 12.05.2025. godine) i Ugovor za javnu nabavku usluga: „**Održavanje i proširenje postojeće javne rasvjete s ugradnjom materijala, na području općine Breza**“, dodjeljuje se izabranom ponuđaču „**TESLALUKS**“ d.o.o. Sarajevo, za ponuđenu cijenu **od 51.281,20 KM bez PDV-a, odnosno 59.999,00 KM sa PDV-om** (ponuda broj: 01-27-02/25 od 27.02.2025. godine).
- (2) Poništava se Odluka o izboru najpovoljnijeg ponuđača Obrtnička djelatnost „TAF-1“ Breza, broj: 01/2-04-310-2/2025 od 04.03.2025. godine.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom C)12. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Ugovorni organ, Općina Breza je, nakon provedene e-aukcije, dana 04.03.2025.godine donio Odluku o izboru najpovoljnijeg ponuđača Obrtnička djelatnost „TAF-1“ Breza, broj: 01/2-04-310-2/2025.

Dana 14.03.2025. godine, ponuđač „NEXEN“ d.o.o. Banja Luka, je putem punomoćnika/advokata Borisa Mandića izjavio žalbu na Odluku o izboru najpovoljnijeg ponuđača „Održavanje i proširenje postojeće javne rasvjete s ugradnjom materijala, na području općine Breza“, broj: NXN-656/25/Ž, koja je blagovremena, dopuštena i izjavljena od ovlaštenog lica.

Ugovorni organ je žalbu zaprimio dana 19.03.2025. godine i aktom broj: 01/2-04-310-4/2025 od 24.03.2025.godine, žalbu uz izjašnjenje prosljedio Uredu za razmatranje žalbi, u skladu sa članom 100. stav 5) Zakona o javnim nabavkama („Službeni glasnik BiH“, broj: 39/14, 59/22 i 50/24).

Ured za razmatranje žalbi je, Rješenjem broj: JN2-03-07-1-451-7/25 od 25.04.2025. godine, djelimično usvojio žalbu, poništio Odluku o izboru najpovoljnijeg ponuđača broj: 01/2-04-310-2/2025 od 04.03.2025. godine i predmet je vraćen na ponovni postupak.

Postupajući po Rješenju URŽ-a, Komisija za javnu nabavku je dana 08.05.2025. godine u 14,00 sati izvršila ponovnu ocjenu ponuda i konstatovala sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da nije bilo neblagovremeno zaprimljenih ponuda;
- da su ponude ponuđača „NEXEN“ d.o.o. Banja Luka i „TESLALUKS“ d.o.o. Sarajevo, prihvatljive ponude;
- da je ponuda ponuđača Obrtnička djelatnost „TAF-1“ Breza označena kao nepravilna u predmetnom postupku iz sljedećeg razloga:

U Aneksu 3 – Obrazac za cijenu ponude, u tabeli, u dijelu a) Svjetiljke, za stavku pod rednim brojem 1. i 2. u rubrici Opis stavke (materijal i usluge) ponuđač za dvije navedene stavke nudi potuno istu svjetiljku, a Ugovorni organ je za stavku 1. Obrasca zahtijevalo svjetiljku snage 50W, a za stavku 2. Obrasca zahtijevalo svjetiljku snage od 100W.

Kvalifikovani Ponuđači su dostavili sljedeće cijene ponude:

Naziv / ime ponuđača		Ponuđena cijena bez PDV-a	PDV (17%)	Ponuđena cijena sa PDV-om
1.	„TESLALUKS“ d.o.o. Sarajevo	51.281,20	8.717,80	59.999,00
2.	„NEXEN“ d.o.o. Banja Luka	51.282,00	8.717,94	59.999,94

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

U skladu sa ponovnom ocjenom ponuda, Komisija je dana 09.05.2025. godine (u skladu sa Pravilnikom o uslovima i načinu korištenja e-aukcije Službeni glasnik BiH broj: 80/23), kroz sistem javnih nabavki, poništila e-aukciju koja je bila održana dana 03.03.2025.godine u 11,00 sati i zakazano je ponovno održavanje e-aukcije za kvalifikovane ponuđače za dan 12.05.2025. godine u 12,00 sati.

Iz izvještaja o toku i završetku e-aukcije koji je kreiran 12.05.2025. godine u 12,10 sati je vidljiva:

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	„TESLALUKS“ d.o.o. Sarajevo	4404217180005	51.281,20	0%	1
2	„NEXEN“ d.o.o. Banja Luka	4403804000005	51.282,00	0%	2

Komisija za javnu nabavku dostavila je dana 12.05.2025. godine, Zapisnik o pregledu i ocjeni ponuda, broj: 02/1-2-11-313-14/2025 i Preporuku o izboru najpovoljnijeg ponuđača, broj: 02/1-2-11-313-15/2025 u postupku javne nabavke: „Održavanje i proširenje postojeće javne rasvjete s ugradnjom materijala, na području općine Breza.“

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagač: Služba za privredu, Salih Hasanspahić_____

Obrađivač: Jasmina Došlić_____

DOSTAVLJENO:

1x Svim ponuđačima koji su učestvovali u
postupku JN

1x Služba za privredu

1x Služba za finansije, inspekcijske poslove i opću upravu

1x web stranica

1x Evidencija

1x a/a

OPĆINSKI NAČELNIK

Vedad Jusić